

recurrat. Bockwoldius domi est. Cogitat tamen in Aulam Administratoris Magdeburg. Bene vale. Ornatiss. & amicissime Domine Compater, Deus tua consilia & studia prosperare dignetur, Amen. 9. Julii 1581.

T. Gryneus.

P. S. Pro dolii tui, cujus pondus centenarium constat, Aurigæ dabis 28. batziones. Pro Arca D. Zerotini, vecturæ pretium socer nostri D. J. Lucæ Iselii exsolvit. Id te scire volebam, pretium librorum, quod nondum quantum sit, rescivi, brevi significabo. Iterum vale.

T. J. Gryneus.

EPISTOLA VI.

S Ornatissime & amicissime D. Compater, Jam jam digredior ab Euseb. Episcopo, (a) qui libros Wefembecianos, quos postulas, ad Claudium Bibliopolam perferri curabit. Is una cum cæteris dolio includet, & Genevam rogatu meo mittet. Vellem ocysime id fieri potuisse, verum nosti quæ
 impe

(a) ni fallor Nicolai Episcopi, Frobenii generis, typographi Basil. filius est.